

TARDE NUESTRE – GLADIATOR = 0 A 3...L'ANIDDE HONNE CADUTE MA LE DICETE HONNE RUMASTE!

L'ha mann't Aldo XP "Diecipalazzine"
lunedì 10 settembre 2012

E sine! Ce mazziatone ame pigghiate cu lle gladiatore. Oneste! Quanne mio padre m’ha dumannate: “Cu cci scioche ‘u Tarde osce?”, e ije l’hagghie respunnute: c’u GLADIATOR; m’ha ditte: No ffa’ u stuedeche… mene! Ehehehe. Penzave ca u ste pigghiate pe fesse. ‘Mbece averamende accussì se chiamene.

Ca po’, jè ‘na società c a ste da ‘nu sbuene de timbe pure. Comungue… a veretà, quanne hagghje arrevate o cambe, ca angore no stave nesciune, m’ha scuresciute picca picca ‘u core. ‘A curve scuasciate, ‘a trebune vacande, ‘u cambe ca pareve avevene chiandate le patane. Ma ‘na cose no’nge aveve cangiate: le cacate de’lle palumbe suse alle segge d’a trebune. Ehehehe! Le uagnune d’a curva nord stavene tutte suse a gradenate piccè, come sapime tutte quante, stonne a fanne le lavore. Ma, accome tutte le cose tarandine; s’a stonne e pigghiane lende e pende. Ce sape quanne spicceneeeeeee.

‘U Tarde teneve tutte uagnungidde, ca nemmaghe a San Giovanni Bosche le jacchie. Piccinne, piccinne. Nuje abitate a lle ciucciune vijcchie de l’anne passate n’ame viste ‘nu picca perse. Ca po’ honne sciucate megghje le piccinne de quidde doje o trete granne ca tenime… e va bbene! Peccate, piccè avemme segnate; ma BUFALINO, dicene, ca l’ha pigghiate c’u a mane dope ‘a traverse de TERRENZIO Mah!

Po’, puntuale, avime pigghiate ‘u prime gol cu ‘na punizione de MANZO e l’otre e ddoje o seconde timbe. Indr’o GLADIATOR stavene MANZO, GATTA, LEONE… ’nu zoosafari praticamende. Ehehehe. Mah uagnu’! Ha sciute accussì! Svegliateme quanne sciamme in serie B J Stateve bbuene!